

皇明兩朝疏抄

皇明兩朝詔抄卷之二十

糾劾二

褫奪跋扈權奸疏

高時

近該巡按御史車邦祐等遵奉 明旨查叅翊國公郭勛
招納亡命兇徒濫開違法大店擅收私稅酷用宇刑四路
邀截客商貨物百計霸占軍民房屋貪賄專權召災致異
等項不法事情據實具奏仰惟 聖明洞察弊源若勛從
實回話續該都御史胡守中亦將郭勛奸黨重情串結緝
事旗校暗握廠衛機權冒占官軍侵欺糧餉嚇詐各商賈
本貪濫包辦工價狂悖不忠抗違 明旨怨望不領 勅

書等項欺心情節具本論劾欽奉 明旨着令鎮撫司一併勘問見先後 命下之日京師兆民賢愚老幼相向歡騰皆云老奸臣猾蒂固根深賴我 皇上離明乾斷一旦與民除害逆折奸萌百姓之福也是以輿情公法律之勛之罪不容誅矣茲者僅蒙 皇上暫令認罪回話姑待勘明處治此實 聖明御極頓挫奸雄之道必有深思遠慮非臣等愚昧所能窺測顧為之勛者法當惕然省感吐實露情辭避兵柄哀乞貶竄贖免重愆猶難追於放殛之譴矣夫何郭勛文過逞奸執迷不悛數口之間連章三次撫飾妄辯中間情實愈戾一則曰臣實不敢深懷怨望在

聖明固以盡識其微而狂悖之吾端不止此何必又勞

皇上賜勅等語而已欺天罔人聽言可以觀志吾不知其
何心也意者勛之恣肆飾非尚謂中外邦祐所論事情未
得肯綮緊要若可巧言遮蔽殊不知踪跡敗露欲蓋彌彰
雖使三尺之童亦能言其梗槩夫以勛之罔利無厭言之
如南京東南財賦之地淮揚魚鹽饒腴之所臨清徐州德
州亦齊魯會通貿易之區也勛皆置有私店同夥計與販
群聚充斥道路水陸船車各懸明國公金字牌面騷動地
方關津不敢正視侵漁民利歲入鉅萬而貪夫谿壑難填
之慾可謂無遠不至矣且以頻年剝削畿輔軍民膏血已

盡雖至 朝廷近侍內官房屋勛亦任情吞併全無顧忌
如南城水頭華麗庄屋一所田連阡陌值銀三十萬兩此
則勛之白占近故肅敬太監之業也東城沿溝衚衕大宅
一所中間古銅玩好之器不計其數又有城外庄田二處
值銀二十萬兩此則勛之白占近故魏彬太監之業也城
外八里庄房屋田園一所值銀十萬餘兩此則勛之白占
近故韋霸太監之業也城南八里莊輪奐膏腴墳宇田園
一所值銀二十萬兩此則勛之白占近故竇瑾太監之業
也又如太監溫璽物故家資玩好值銀十萬兩勛則用強
奪取過半又占庄田一處值銀萬兩宛抑無伸罄將各官

一應護 勅御祭龍碑毀廢無存所創庵院寺觀殿宇拆
回改造庄舍孰敢撓阻蓋由郭勛威力暴著凡有觸其怒
者欲求止於破家而不可得所以聞風戰懼不但犬馬之
畏猛虎也人言但願得罪於官府不願得罪於後府勛之
忍心害理當何如其甚報也且以運糧船隻成造工價不
少 國家賴以為用勛則每年慣使黨惡光棍將銀貨
捱借運糧軍士按月收息幸其浪費貧窘逼勒就將官艇
准折私債不論艇之大小新舊一槩拆卸變價是誠何心
哉權奸之惡貽患于商賈貽患于畿民貽患于內官貽患
于漕運從此不治日夕月深殆將無所不至矣民之蠢蠢

國之盜臣不圖見於聖明之世也以上貪饕大畧是又出于御史車邦祐聞見之外者矣又以私植黨與言之郭憲郭勛通同壞法嘗為守中所論矣若夫勛之坐地運籌籍為謀主則有逆黨張綵嫡弟張維亡命生員楊紹言罷斥鄉官錢俊民翁守洪喇虎高廷專一舞文弄法撥置行私五人尤為無賴中之巨魁至於託之心腹可備緩急之用者又有橫豪官旗人員陳璟孫聰梁永濟彭福李福鄒經劉宣鼎鐸郭鎮黃曙韓傑李魁陳益趙勳王龍林邵寶申鑑司昇王胡孫應乾李濟王月李昂李秉馬奎張鑾莫非鷄鳴狗盜之輩也若夫布為瓜牙生事害人則有提徒

孫錫孫澹裴應龍袁元璿戴保光周略王三孫淮來福邵
宗襲李茂日逃走透敵衛消息訪察詐財為生則有刁潑
校尉劉致李淮呂保居鐸梁木等狐假虎威軍民切齒且
有剋剝官軍極其狠毒輿言至此真可流涕每年河南山
東等處春秋領班都司到營要磕頭銀二百兩領班指揮
磕頭五十兩管隊千戶寓軍旗軍各五兩辦納若為定分
要之皆非各官之已資也却將班軍行糧賞米一一扣除
交送明白方免細打耻辱凡遇外衛工價無措明縱孫聰
陳璟用強推借低銀每二百兩先扣保頭銀二十兩互相
影射完工一候官軍班滿回衛輒便濫批詞狀或差管工

把總守催責公該衛監併加倍追收解償私債以致原籍
軍餘貧窘徹骨而轉徙流離者踵踵也勛之貽患及此可
謂忍矣又如京衛官軍未盡派撥工所蓋 國家節養餘
力優恤軍士之渥典也奈何勛私宰計日役占者不計
其數聽信投充限用者有之仍令辦納月錢者有之買閑
回籍者有之修造房屋庄田凡有一技一能手藝軍士莫
不輪番役使止給食米一升皆隸陳璟孫聰置有私簿挨
次分派含冤動控訴無門損壞營務實由勛始蓋勛既
叨掌管府事又兼提督京營全不仰思我 聖明眷注者
何如而勛顧可以為是也是其上孤 君父之恩天理人

心泯滅盡矣再照郭勛舉動乖方機緘叵測踪跡可疑者
非一是也且如重犯張延齡包藏禍心罪在不宥平人稍
知畏法者自能遠避嫌疑以圖保全身家勛為閥閥權貴
與之交通代伊管理店家私如此存心豈無所為也哉
京師舊制不許堆積糧食律法必有深意勛之莊第貯蓄
雜糧各以萬計可謂多矣又如各倉每月放糧之期人人
隨處羅買多方私自豐殖有積無散此欲何為律開違式
器用不許擅制勛先年令漕運叅將李節鑄造流金圓爐
六十面發藍方爐四十面又嘗造有金銀山等項侈肆物
件臣庶之家不知作為何用然其稽擬玩法尤駭觀瞻外

國不許交通關津不許阻隔亦禁例也勛則拳拳然必欲
革夫巡關御史又令家人李福孫錫王二等潛往縣顏邊
郡販鹽販茶買馬交易恬無忌憚 祖宗法度森嚴不知
視為何物是必勛之貪鄙竟殘根于天性恭惟 堯舜在
上尚不格心感化 聖明今日不可不為之所矣易謂童
牛之牯將以預防其觸也豬豕之牙將以預制其噬也臣
等伏觀 明旨責勛內云好生強悖無禮恬不畏法欽此
則知勛之媒孽情狀自悉於 聖明日月照臨之下若無
容言矣臣又竊謂小人為惡亦恐人知未及知猶有所憚
也迨夫貫盈敗露人皆知之矣然又不能明正其罪屈法

姑容彼將安意肆志養戕隱憂履霜不戒而堅冰必至天下之勢則然也且駙馬謝詔英國公張溶惠安伯張鏞均一朝廷勲戚罪犯輕重比勛為次今皆置之明法而不貸者蓋以功臣外戚位望已隆則強梁難制故惡雖小而必治使人不敢犯也夫勛之過惡深重無以加矣要之羽翼尚多聲勢威權與昔無異一時執法問官未免遲疑觀整事體尤為不便中間疑忌幾會所在不可不審聖明天縱高出尋常萬萬臣等何敢多言伏乞皇上大施剛斷其早奪坐府督營權柄勅下錦衣衛將首惡郭勛及一千惡人犯拏送鎮撫司同前謝詔張溶等一併究問明

白不許回護徇私從公具本奏請明旨治罪將見軍民
之冤抑可伸奸邪之黨類自散禍胎永絕國法昭明而
宗社無疆之休端在是矣

劾劾貪驕恣武臣疏

謝瑜

近接邸報武定侯郭勛奏為陳愚見遵 聖明通選法用
人才立稽考惜民財蘇困苦添鎮守以清政治永圖奠安
事奉 聖旨這所奏事宜各該衙門看議了來說欽此臣
等覽謂大駭 聖明在上內外大小臣工莫不祇肅靖共
罔敢踰越而勛乃妄言瀆亂肆無忌憚如此據勛之言則
是六部院寺科道及撫按監司守令盡皆不才天下政務
盡出勛之指畫乃理也謂 聖明之世盡無一人可用盡
無一事得宜何其誣妄之甚乎觀其所論各項事宜類多
影響恍惚妄意未嘗灼見有何利弊其添設鎮守乃其志

之所在也必是又關內臣重賄鑽求勛乃交其不貲之人
并其日後肆出剥民以供奉于已為之試探 陛下却乃
謗譴諸臣以鉗衆口臣不敢縷舉以塵 天聽請只此一
事與勛辯之其曰天下官吏貪污害民皆因 陛下無腹
心耳目之人在天下也又曰文武官員推奸避事該內臣
劾奏則奸貪斂跡此正 先朝奸邪之人所蠱惑 君心
蠱害 朝政之言而勛乃敢以陳於 陛下之前乎果如
勛言則內臣用事不如正德年間內臣斂手莫如 陛下
臨御以來是以正德年為太平極治而以今為積弊之時
也夫數年大壞極弊 陛下洗而更新之得失治亂不

較自明而勛之倡議顛倒若此意豈無所為乎如勛之言
果行則 陛下累年惠養安堵之民一旦困苦慙嗟當復
如正德年矣且宦官用事害政傷治不獨正德年為然自
古有之 陛下斷自宸衷毅然裁革可謂度越百王傳之
萬世而運祚綿永書之史冊而宇宙增光勛乃謂嘉靖年
來不知何人 奏請 皇上節次因事取回豈奏者為妄
奏而 陛下為過聽耶 陛下光明俊偉之事而勛以為
偏私不公之甚其恣肆不臣何如耶 陛下為萬國民臣
之元首凡文武百官莫非 陛下之股肱耳目心膂而刑
餘之稿特以備灑掃人役耳君臣一體忠義天性豈惟宦

官之親而大臣群臣皆疎也宦官鎮守利於宦官者勛欲
用之科道巡視不利於宦官者勛欲去之是欲 陛下盡
疑天下之臣而獨倚宦官為心腹耳目勛何切切于宦官
耶前代有以宦官為心腹耳目者 陛下視之為何如而
勛欲以此望 陛下也孟子曰貴難於君謂之恭陳善閉
邪謂之敬勛之此言不恭不敬莫大於是又其言曰文官
弄法武官已被鉗制不得如文官并用之時又非虛心為
國忠 陛下之言也勛亦武官獨被厚 寵位極太師班
列三公之上此武官之極也正宜持滿戒盈謙虛自保以
求無負殊遇斯為善道乃欲以一身攬九卿之權以數言

鉗百僚之口內結宦寺外悅群小揔握軍機點人干預何
為者哉使其真有感恩圖報之誠經國濟時之畧方公
邊臣累警當決策以折衝天討方行當身先以勇往其
職分之宜補報之地胡為逡巡退縮曾無一籌可展而招
權出立為此誣妄之說乎知人如陛下聽言如陛下
照臨如日月催折如雷震不昵近習不悅佞倖如陛下
而助敢肆無忌憚瀆亂聖聽如此萬一得行又將無所
不至矣天下之人一聞勛奏莫不警悸憤疾籲控無地臣
等待罪言責敢鉗結以自固乎其他恬寵作威輕世罔
利又不能盡舉者伏惟聖明俯察則勛之忠邪自見速

罷斥奸貪以清治本疏

徐學詩

頃者逆胡犯順入侵 畿甸焚殺之慘前所未有釵屨

皇上勅論文武群臣凡有見聞可以助大破逆賊虜寇者

人人盡言昨又蒙 聖諭示諸府部院科道欽此仰凡

皇上憂勤惕勵之誠先事預防之慮羣賢不震叠思效條

舉日陳而未嘗有探本之論盡言於 皇上者臣備員郎

署非不知隱默遷延可以苟祿全身而出位言事罪當萬

死伏念委質為臣身非已有覩事積念義激於衷又遵奉

聖諭人皆盡言所以不避貴勢冒死陳之臣惟外攘之備

在於內治之修然內治之要貴先端本正原歷觀前史得

人則理匪人則亂其應如響今照大學士嚴嵩位極人臣
職司政本奸險莫測貪黷無止以內勲貴之交結以外群
小之趨承賄賂填門舟車載道凡文階武職自布按叅遊
以下瑣瑣無論至如巡撫總兵等官每一遷擢例索銀千
兩諸他珍奇玩異之物尚難數計蓋不如是即不能安其
位凡此非扣軍衣糧則剥民膏血而來也故嵩每歲四季
遣家人數千輩回籍樓櫓巡船更番迭運擅役夫皂冒支
解領沿河驛通州縣望風承順嵩輔政十年不為不久不
為不專大臣不法小臣鮮燕民貧軍利日甚一日釀成厲
患其所由來漸矣嵩自泄泄焉自得計日肆欺因臣

嘗計萬往歲終論序班龔桔等疏內無故自表六寸絲尺
昂不敢收受門下羅等語萬目所視萬手所指將誰欺
欺天乎然此特無事時耳見今虛勢猖獗武備廢弛正宜
張皇六師克詰戎兵之日況身居元輔世受 皇恩如萬
者尤宜食不下咽寢不帖席創往更新捐軀殞報圖贖前
愆而何謬引佳兵不祥之說以謾 清問且貪饕如故恬
不知畏薊州總兵羅希韓奏 旨拏問萬于太常卿嚴世
蕃接收失事問車李鳳鳴銀二千兩囑伊代任他日鳳鳴
必將倍討邊軍取償倍利尚安望其練精蓄銳為 京師
之屏衛哉漕運總兵員缺世蕃又接年老昏庸郭琮銀三

千兩囑伊推補他日琮必將掎剋軍卒取償倍利又安望其釐奸清弊為漕河之保障哉此二臣失事老廢衆所共知又當多事之秋一旦舉而委之重任聞者莫不錯愕明故而臣亦得以知其槩又近日史館書辦例與八品此聖恩也該部未題之先世蕃即邀為已力而預索顧布陳世良等銀一千二百兩王府科吏至瑣俚也舊吏未滿之日世蕃即為註撥而預受盛堯相銀三百兩故大而銓曹本兵之選擢起用微而官辦吏胥之營求頂撥以世蕃權臨勢托而得美地者十常八九臣徒見積忿痛心流毒滿目故不能以悉數而亦不以漕聞網利之密不遺鉅細誠

前此輔相所未有之貪亦前此輔相所未有之富也夫嵩
節蒙 聖上之優賚又叨一品之厚祿歷計不下數萬似
可充其欲矣而不知足平居無事賣官鬻罪賂遺請托之
賊歷計何啻百萬似可充其欲矣而不知足奈何 宵旰
不遑緊要用人之際 京師安危糧餉緩急所依賴之官
而復賄囑李鳳鳴郭琮為之不知嵩之心何心哉又自九
月初旬以來嵩之私宅後門暗集車輛數十運行李出張
家灣旬日未息本月十三日黎明時分嵩有潛自直所出
私宅看族女輜四十餘頂回去非嵩眷屬即世蕃衆多之
妾媵今潞河樓船一十二號滿載而還彼亦自知其非各

船封職悉假別衙門名號以誑道路臣聞君逸臣勞又聞主憂臣辱嵩既平昔不肯任事以成主上之逸臨竊又乏籌策以舒宵旰之憂及事稍不寧人尚警洶即顧其家屬重賄悉徙而南以先衆望於已得矣如君父何負天地罔極之恩積紳人共憤之禍不知嵩之心何心也臣受職至今每接士大夫論及嵩父子無不切齒痛恨而七八年間竟無一人少敢抵牾誠以內外結成而世蕃狡鷺擅執父政諸衙門奏請稍涉疑畏者必先關白世蕃而後聞又嵩權柄足以假手下石機械足以先發制人勢利足以廣交自固乘機隙足以示威脅衆文詞

便給足以飾非強辨而精神警敏揣摩精巧足以趨避利害而彌縫缺失其私交密會令色所言又足以結當路之
心而絨其口即巨奸老猾鮮能逃其術者幸令天威
在上離照方中先經論高者不能顯禍干正言直指之時
往往托事假人陰中於遷除考察之際臣晚進不能悉記
姑即目覩如先任給事中王輝陳璫御史謝瑜童漢臣等
彼時俱蒙聖恩寬宥而今安在哉故天下之人視高父
子如鬼如蜺不可識度癘心疾首敢怒而不敢言者誠畏
其陰中之不測也伏乞皇上勅下科道備加訓訪指實
參論如果臣言不妄將高父子早賜罷斥別簡忠良委

任責成 乾剛總攬於清穆之上而六卿分治其職自無
阻撓脇屬之患天下官司庶府庶幾革心向化而治攘之
政一舉可振內順治而外威嚴尚何醜虜之足慮哉此
聖諭所謂大破逆賊虜寇之大端也昔宋臣岳飛以精忠
神策之將當偏安板蕩之餘論天下太平不過曰文臣不
愛錢武臣不惜死而已況今四海一統 聖人在天子之
位又何太平之難致然文臣愛錢欲責武臣之死亦相語
云臊子到門前閣老還愛錢我有口不敢言況陳列食錄
者乎故臣不量孤寒踰分觸權於萬無一毫私怨惡也倘
涉虛誣甘受欺罔之誅死無悔憾緣係奸貪輔臣欺 君

誤國懇乞宸斷特賜駁斥以清治本事理未敢擅便謹
奏請旨

糾奸惡疏

王燁

臣每讀王褒聖主得賢臣頌有曰明明在朝穆穆布列聚
精會神相得益彰化洽四表橫被無窮至此未嘗不三復
欣感焉恭惟 皇上天縱仁聖求賢圖治之心勤倦朝夕
真天下臣民千萬載希濶之遇果得貞亮純實之輔仰宣
德化則豐功偉績高明廣大何啻 天地日月也夫何臣
職不修上負 聖主闕輔理之効以勤 宵旰之慮臣等
實為承眷 命者懷憤懣焉前茲之去如距斯脫此固仰
賴 明威之昭格矣臣等猶慮後人之負 聖眷襲前非
而加甚耳竊照新任大學士仍掌禮部事嚴嵩焚無耻辱

汚同駟僧媚嫉成性毒甚虺蜴外謹恪而內即悞淫陽恭
順而陰肆驕橫奸邪百狀屢經論劾復加鄙惡之子嚴世
蕃招權納賂以助其惡是虐焰方熾又從而煽之也

皇上不世出之主而斯人猥居端揆豈不瀆 聖朝哉竊
惟嚴嵩奸惡之詳已徹宸聰而復加要任將惟以其位
次之及而姑試之然贊畫樞機庶務之舉廢係於斯百官
之邪正係於斯而輔臣非姑試之位況士風日墮民生日
艱夷狄日橫求賢更化正 今日所宜汲汲也而非姑試
之時臣等蓋反覆思之諉或人心可感萬一嚴嵩感激
殊眷蠲舊惡以勉新圖亦有可望乎但古昔大臣勲業之

廷賢積之深厚故能發之光大萬自筮仕以敗闕汙辱之行街談巷議譁然以爲口實雖欲改圖如大本之既撥素望之不平何哉則後效之不可望彰彰明矣臣等又思之聖君當極萬一不敢大肆其惡但內外臣工多沒溺於利欲之私而忘其忠義之良久矣若復樹斯人以為之標則互相朋比爲害滋蔓是故萬一人之貪雖未足竭天下之財然貪者皆將憑附焉而天下之事價矣惡源不塞末流必濫是則塞源之計正當於萬謹之太蒿之柄用簡在帝心而臣等敢言之似不免於違拂之罪然君門之深重萬里奸臣之詐僞百端故堯智如神而其工驩堯得以

象恭而雜進此衛巷之譏易進之言堯之所必採也 新
命甫加任事伊始而臣等遽言之似不免於躁妄之罪然
與其言之于蠹政之後則焦頭爛額何救於焚不若言之
于方任之始猶得以效曲突徙薪之愚歟也臣等之論蒿
亦既屢矣而猶譊譊不已似不免于執慝之罪但輔臣政
樞也嚴嵩奸邪之尤者也嵩不去則必蠹 聖政以煩
聖慮會是不懇為 陛下言之餘無足言者矣况洗潔乃
心修舉乃職 綸音煥若而猶畏權避罪隱默乾沒以自
取容臣等雖至愚極陋如上負 聖明何所不敢也亦不
忍也且 君父即 天也而臣上者猶一無二矢心對越

以俟 明命之降而已 皇上俯賜鑒察以為出于天下
之公議而採納之 祗嚴高嚴黜別求賢輔以成高明廣大
之業使微末小臣得依 聖主之光以竊榮照臣之幸也
若以為大臣之進退而小臣是議罪其冒昧而黜罰之則
身僇辱而仰報 君父之心庶幾其無負焉實臣等之分
也披瀝悃誠冒干 聖聽不勝隕越戰懼之至

早正奸臣誤 國以決征虜大策疏

沈鍊

臣觀昨歲逆虜犯順得利而歸邇又陽言入 貢陰懷故

智致厯 皇上宵旰之憂奮揚神武張皇六師必欲乘時

以興北伐此固 天地神人之所共憤文武群臣之所願

戮力者也然用兵之機必先 廟筭方今 廟筭必先為

天下除奸邪而激忠義則虜賊不足平矣伏讀 聖諭有

能大破逆賊虜寇者人人盡言欽此臣至今思割肝膽竭

股肱以效其至愚臣誠憤懣誓不與此賊俱生切見輔臣

嚴嵩受 國重任視如鴻毛貪婪之性疾如膏肓愚鄙之

心頑于鐵石當此之時不聞其勞心焦思延訪賢豪咨諏

方略以為治 國安邊之策惟與伊子世蕃日夜圖惟不
過為自全之計人有欲為忠謀奇計者恐其勝我也多方
以阻之人有欲貢諛言諂色者樂其親我也則曲意以交
之揣摩之術利於錐刀而不用之以經 國狐媚之態病
於夏畦而不用之以親賢納賄以驚官吏也已成常例則
心知其過而不能回開筵以結士夫也用市虛文則外懼
其顯而不能止原其所以納賄者以為既得其財而又可
以制其心既得其心又可以資其力此其為身謀善矣其
如 國家之事何哉邊將非多用黃金不可以得官彼曷
肯奮身却敵以錢而買死守臣非累通書幣不可以致譽

彼曷肯忘已愛民以私而為公乃今考察之時又其父子
獲利之日矣朝廷賞一人則曰由我而賞之也罰一人
則曰由我而罰之也于是人人皆思所以計高父子之愛
憎而不復知有朝廷之恩威矣至非不能指其細姑舉
其罪之大者有十納將官之賄以開邊陲之釁罪之一也
受諸土餽遺令宗藩失職罪之二也攬吏部之權奸賊
狼籍至于驛丞小吏亦無所遺官常不立風紀大壞罪之
三也索撫按之常例奔走書使絡繹其門以致有司聚歛
而百姓之財日削教化不行罪之四也陰制科道官俾不
敢言罪之五也盡賢嫉能由傷善類一忤其意必擠之死

地而後已使人為國之心頓然消阻罪之六也縱其丁受財以歛怨天下罪之七也日月搬移財貨騷動道路民窮財盡國之元氣大虧罪之八也為內閣父而奸貪日甚無一善狀罪之九也不能恤謀天討以舒君父之憂罪之十也故今虜寇之來者三尺童子皆知嚴嵩父子之所致也又况重之以十罪乎吏部尚書夏邦謨名為公室之臣實為私門之吏大事面白嚴嵩而後敢行小事書通世蕃而後敢發三公但然謀議豈可以父子而干預六卿之政耶為邦謨者少有骨鯁之風昌言執法彼不能不回面而改行籍能陰措其手不過解官而去耳惟其計利之心

一動則患失之謀百出始也因賄而得官既也因官而得賄勢利堅于膠漆道義薄於秋雲妻婦之道至士丈夫之心已喪如之何其察天下之官吏也官吏之言曰內閣吏部要錢兵部要清無益于是內外遠近相視成風廉恥不行盜賊蜂起今之考察將以進廉退貪不除此三人者雖曰云賊墨之吏無庸也身為污辱之吏而曰我將進賢退不肖也吾誰欺欺天乎使內閣吏部盡忠則六卿盡職矣又何異于丁汝璉之失事乎廼今日之事未艾也猶聞有阻北伐以為不可者然虜賊之稱貢也許亦來不許亦來而朝廷之出兵也來亦伐不來亦伐善用兵者可以

守亦可以戰不善用兵者不能戰則亦不能守矣今能阻
朝廷之北伐能保虜寇之不南侵乎但整兵列陣俟隙而
後動以保萬全之勝則存乎將帥之能耳今之欲阻北伐
者其心曰事成則歸功于將帥事失則歸罪于輔臣此所
以倡為不可戰之說干其間其為欺君誤國之罪又大矣
伏乞皇上勅下廷臣將此三人詳議其罪應誅而誅應斥
而斥則當罰明而賢否別忠臣義士無不仗劍而起感激
奮發爭先效死而虜酋不足滅矣邇者颶風大作皇上所
宜速發乾剛以回天變以慰人心臣不勝惓惓激切之至

究正輔臣冒濫軍功疏

周冕

近該工部尚書歐陽必進一奏為員外楊繼盛論劾輔臣嚴嵩懇乞天恩辯明無干事情以白心迹事奉聖旨覽卿奏知道了嚴效忠事情兵部查明來說欽此臣濫廁武選職功次稽查冊籍聞見頗真不忍含欺以負不忠之罪按大學士嚴嵩平生心事兩京科道及部衛各衙門等官數其事而責之其說已詳且盡臣不敢再瀆聖聽謹即其冒濫軍功一事為陛下陳之臣查嘉靖二十七年十月該通政司連狀送據嚴效忠告稱見年十六歲係江西袁州府分宜縣人考會武舉未第圖報効本部咨送

提督兩廣軍門聽用訖未及年餘該鎮守總兵官平江伯
陳圭都御史歐陽必進題稱嘉靖二十八年廣東瓊州等
處黎賊剿平差委效忠赴京報捷即比例將效忠與做錦
衣衛試所鎮撫未及月餘隨有嚴鵠告稱有兄效忠患病
不能受職情愿與親弟鵠替又告稱效忠前項軍門斬獲
首級七顆該陞二級與做署千戶題奉 欽依備行去訖
臣任職方協司郎中時因見邸報指問嚴效忠為誰皆曰
內閣嚴嵩家人也又指問嚴鵠為誰皆曰嚴嵩之孫世蕃
之子也臣聞之不勝驚駭意以嵩為 朝廷輔臣受
皇上寵眷至厚其子官階已崇其孫亦多庇蔭天高地厚

之恩雖粉骨碎身不足以報豈有令家人報捷又令其孫
冒濫軍功之理竊疑不信既又聞士民傳言道路這次兩
廣功次有嚴閣老人家姓名在內原未有人親去平地安
功得官臣始信人言不誣憤悶不平久之不意高居宰輔
表率百僚乃惟知為家謀而不知為國謀敢效市井之
行忍壞朝廷之法一至於此臣以事非職掌不敢以言
今幸聖明在上因尚書歐陽必進之奏辯勅下本部
查明來說書合當任部查明奏請以聽聖斷可也其
于世蕃乃私創一稿令人封送到臣皆一片虛詞與堂稿
多不相合欲臣依從題覆臣深憤往事皆非真實上下蒙

蔽緣以為奸臣欲明目張膽直言無隱以上聞於宸聰
顧恬不知畏猶自作稿欲部聽其指使欺罔之心可容誅
哉天地鬼神鑒臨在上其稿見存可以對證臣請折之如
曰嚴效忠果有勇敢何不咨送宣大之近而惟送兩廣之
遠如曰效忠曾考會武舉未第何本省無起送公文今又
自開民人不言武舉之故如曰效忠果係鵠之親兄世蕃
數子俱幼未有名效忠者此滿京士夫軍民所共知如曰
效忠果世蕃之子據當時通狀止十六歲豈有能赴戰陣
親冒矢石之勇如曰效忠斬獲首級七顆有軍民將士未
有斬獲之多者止宰相二孫獨能勇敢三軍遽收七級之

効如曰效忠對敵右手中傷左腿砍破計二月二十五日
方在陣中不及一月差委何其身體累無他恙即能飛報
軍情于萬里之京師如曰效忠到京金鑰舉發近日
病故何以嚴鵠替職之日止告不能授職而又捏添病故
之說如曰效忠試鎮撫之官當替况奏捷之功止終本身
原無承襲之例如曰效忠功次當併見行事例當先奏
請何故止用通狀而逼迫同官以行臣訪得原無嚴效忠
親赴軍門聽用嚴鵠原非效忠之親弟其奏捷皆詐添之
姓名其功次皆買奪之首級千計百較押出鬼沒無非做
成圈套以為嚴嵩造謀欺罔之情明若觀火有不待智者

而後知也將誰欺乎其歐陽必進嵩之鄉曲陳圭係世蕃親家依阿朋比預為之地誰謂其無蓋豁壑之欲巧詐之術發端于嵩之權奸濟成于世蕃之詭譎者尤甚于嵩之惡已無所不至況加以其子之惡中外之臣順之則有喜拂之則有害一惟其言莫違罔不畏之如虎即此一事其他罪狀可勝言哉昨世蕃又封一帖與臣云昨稿明白即上本勿遲蓋恐朝廷因遲致疑等語仰見皇上所以待嵩者真如股肱心腹未嘗有一毫疑貳於其中嵩亦以陛下待極其隆人言遽難以搖動故欺上罔下之事公然肆行累無所忌憚于外今乃自知事出虛詐有干軍國

法典惧日月之明奸莫能逃是以惟恐因遲致疑踪跡敗
露自懷疑而不能安也天地鬼神昭然在上其帖尚存可
以對驗臣竊思 祖宗之法有汗馬勲勞真正擒斬者方
准計功陞賞所以鼓舞將士為萬世不易之法紀猶慮有
法外之遺奸也又參之以冒功買功奪功之明條行之既
久法為甚嚴累朝以來未見宰相之孫送軍門報効者今
尚不惟容送軍門而且捏添名姓以無作有是大壞

祖宗之法者自當始惟當以輔臣冒濫于其前是以蔣應
鼎唐國相以卿二之臣亦敢冒濫于其後 陛下方追論
之内外人心少知警畏今尚之冒濫若不究正將來效尤

誰復禁乎在 陛下無一毫負於嵩在嵩之負 陛下已
到十分極處 陛下以天地之心尤欲望嵩之不欺臣恐
不可得矣臣與嵩原無夙怨臣雖至愚非不知含默可以
免父子之毒害但功次真偽係臣職掌將來襲替皆本於
此今日甘為嵩之奴隸則得罪於天地 祖宗得罪于天
下萬世之公議 陛下他日追論其罪臣雖萬死亦何能
贖是以寧盡言以致彼之害不敢畏忌隱默以負 陛下
官使之責以孤 朝廷作養之恩是忠於 陛下之職分
也嵩見臣之言必設為他說以自辨以激 皇上之怒以
中臣孤危之禍伏望 聖明察臣犬馬之心特 賜

使內外臣工知朝廷之上有森然不可犯之法則賞不
加于無功而將士知勸朝綱整肅國法清明雖隕首亦
無恨矣臣無任冒昧恐懼戰慄待罪之至

紉効誤國輔臣疏

王宗茂

臣聞舜之咨十有二牧曰食哉惟時桑遠猷邇惇德允元而難壬人註曰凡此五者處之各得其宜不特中國順治雖蠻夷之國亦相服從矣頃年我皇上九重靜拱百工息事以致蠡茲北虜敢肆南牧仰賴皇上勵精圖治大奮乾剛赫然震怒如軫念度支多方夙佩食可足矣罷息誅求敦崇節省遠近懷矣從諫如流求賢若渴德元尚矣而獨所謂壬人者或為陛下之監察或為言官之論列皇上亦俯念忠讜察納敢言一犯清議輒加咎譴雖舜之明目達聽禹之去邪勿疑何以加焉但豺狼

當道此特狐狸之間耳澄濁必於其源芟莠貴去其本臣
敢昧死為 陛下言之自古宰相之設所以上佐

一人下率百僚相道得而萬國理 中華清而夷狄賓蓋
以京師乃四方之極宰執為具瞻之係此調燮之機而
理亂之本也故有苗桀格虞歸益替之功而越裳來享周
賴姬旦之力以至北門鎖鑰之對 中國司馬之相則夷
狄之強弱每視輔弼之忠佞是以山有猛獸黎藿不採
朝有良將敵國其誅以侮哉則其責誠大而其任誠不可不
得其人也惟其責大而任重故唐之陸贄亦曰古先聖哲
之垂立訓必懇懇切至以小人為戒者豈將有意離而

沮之哉誠以其蔽主之明當時之理致禍之源惴傷善之
翼深所以自有國家者不得不去之耳良由自古以來
雖有明君而為奸臣蒙蔽以致亂亡者多是以我太祖
深鑒前轍置罷丞相恐致偏聽獨任之弊也臣訪得大學
士嚴嵩本以邪媚諂諛之徒濟以寡廉鮮恥之行陛下
入其詐術之中進極人臣之位入持國柄叨攬朝綱
凡有奏請多資其判決一應所降開出其用舍雖三尺
之孫亦需一命之榮陛下行之無以加矣固宜靖其
爾職用酬殊遇尚懼至德之莫報忝據之可羞也乃因
根蒂盤固氣焰熏灼作威作福無忌無憚以黷貨為長策

以彌縫為嘉猷備縉紳之所惡以為智巧宥往昔之所戒
以為行能疎通萬國寃含九地引用奸邪以為羽翼之助
大小臣工半其門廡之人使中外唾罵神人怨恫錐唐之
楊嗣宋之秦檜嵩將大有甚焉如吏部者銓選之曹黜陟
之司也嵩撓吏部之權則每選額要二十員名州判三百
兩通判五百兩天下名區聽其揀擇自州判而上以至三
司雖間多恬退而奔競之出其門者每年生旦不分遠近
皆來稱壽折段銀皆百兩有餘該部非不知其柄之顯移
也一不從則禍立至孰肯犯其怒耶兵部者將帥之府邊
陲之管高總兵部之權則每選亦額要十餘名員管事指

揮三百兩都指揮七百兩三邊要地不計匪人自指揮而
上以至總兵雖開多安靜而營求之威其恩著至於歲時
皆來叩頭果價或至千金該部非不知職之不專也一不
從則禍立至誰敢當其鋒耶即二部而諸部皆然臣獨舉
二部者例其餘耳此高謬之罪一也如應天府監生勝
應表借刁琛銀五百兩充為饋送即除廣東德安州判官
未及到任物故此債尚未完至今告償追不息臨江府富
豪游三桂逃罪來京潛住吏部考功司員外郎萬案私宅
一月用銀二千兩萬案特鄉曲伊親百計求免案既由賂
而能脫人則由賂而能官人可知即令外官之陞沉不必

稽其器能察其勞考但視禮物之豐菲聞書之疎密是以方正志謀之士或不得陛下之用耳此高誤負之罪二也如己酉年因人論劾自分莫逆欲潛搬家屬回籍其他財物玩好不暇殫述但聞治裝之時有一家人曰請老爺檢點金銀器皿以紀入庫之數前列數十卓嵩坐于後愈出愈奇惟見卓之前增椅之後還尚無置處蓋不知其數目有一門官窺見其間發藍金銀美人高二尺五寸許者并金銀溺器狼籍卓下皆雲南之物而遠集於此不知陛下宮中亦有此器否耶此高誤負之罪三也如袁州分宜宜春等縣其膏腴田莊投獻地宅不遑悉數聞相府之

後別置空室五間下鑿一丈五尺旁砌大石上布堅板盈
室皆積石炭煤炭云內皆珍寶金銀器物其成錠金銀并
賞賜銀兩猶不在是此其深藏貽遠誠竭盡心思勞費
謀畫若以此而謀國尚何不戒之有此蒿誤負之罪四
也如所畜家人五百餘名并袁州所屬皆冒伊親名色絡
繹水路其供應舡隻馬匹月無虛日日無虛時少有遲緩
即緹打需索雞犬不寧小民無由申控官司不敢阻當鉅
督運糧舡亦且讓其先過至于閘壩商舟未有免其破碎
即今徐淮地方驛門晝閉過客有關文者惟在門樓垂絕
上下益惧狼僕鄉里之擾害也此蒿誤負之罪五也如

陸下所食太牢滋味不過數品天下臣民無不知之蓋不
極玉食以費天下也蒿除 陛下賞賜膳盒之外凡窮海
之腊極陸之毛絕域之所產人間之所無罔不畢至以供
飲宴九夷四方之待蒿有甚于待 陛下也其故何哉以
國家之事皆由于彼也此蒿誤負之罪六也如往年虜犯
京畿正 主憂臣懼之日卧薪嘗膽之時蒿不惟漫無禦
備之策尚有乘時之索謠云臊子在門前宰相還要錢雖
北狄亦聞之可謂 國之有人而陰消其犯順之謀乎都
人兒童稔聞其黷貨病 國之久亦為謠曰介溪介溪好
不知幾禍福到頭終有報只爭來早與來遲蓋蒿積惡之

極孽貴之盈負 恩之殃不小 賈國之罪匪輕不能假
手於 陛下而但祈假手於上天也為人臣子致人怨惡
之至無可柰何而求乞降于天其惡可想已此高誤殺之
罪七也如 陛下近因邊鄙多事太倉空虛雖各處 王
府苟有羨積亦奉 表輸納以助軍需蓋以見忠愛之心
且臣子之分所宜爾也 王府於 陛下有骨肉之親高
於 陛下有股肱之託若存一毫愛國之心當不知何
如為裕國之謀矣而乃因 陛下不信人言遂愈縱豁
整之欲不顧賢否之混自為編修以迄于今聚類養惡凡
為乾兒子二十有餘其踪跡尚藏猶可警省以責後效臣

且不敢毛舉外若尹耕梁紹儒之數則其已敗露者也即其已敗露者如此而其未敗露者可知也此皆衣冠之盜獸心之人雖不嚴氏之性實同一本之親其孤因城貴鼠憑社黠肆毒稔害不可勝述夫富貴者人主之操柄而嵩之能貴人能富人如此則其柄不由於陛下矣此嵩誤負之罪八也嵩之欺天罔人雖汗南山之竹不足以紀其惡縱有蘇張之口不能以言其詳而其尤大彰明較著痛恨太息于天下者茲其梗槩耳臣惟陛下臨御以來吏稱其職民安其業海內殷富四海向風何至邇年百物虛耗軍民窮困南征北伐殆無寧歲乎蓋天下之所恃以

久安長治者財也兵也不才之文官以賂而出其所則剥
民脂膏去百而求償其千去千而求償其萬黎民幾何而
不困其困民如此又安有撫恤之政哉不才之武官以賂
而出其門則浸渙芻糧或支之不及其時或散之常非其
數軍士安得而不弱其弱兵如此又安得有折衝之功哉
即今天下之民竭其地之出不足以勝其求殫其廬之入
不足以免其禍征誅之酷算及鷄豚嗟怨之聲徹于蒼旻
是以家之賦稅既有常数而私門苟直又無定額也不然
則臣前所謂數十卓之器皿五間庫之深藏豈神輸鬼運
哉官斂之工民而又納之於蒿也蒿之授受若固有之視

之若不甚惜而不知簞楚之苦膏血之盡一路之哭向隅
之悲倘 陛下聞之亦不能不愴然而憫矣臣惟邇者各
處地震由臣專權之徵也而所謂專權者寧有出于嵩之
右者乎 陛下用嵩將以論道經邦燮理 陰陽而至干
傷 天地之和招恠異之至何取于嵩而信任之哉臣聞
陛下之帑藏不足以支諸邊五年之費而嵩之積蓄可以
贍諸邊數年之需是不惟孔子所謂富於周公而且富于
陛下矣夫 陛下以四海為富豈真不如嵩哉蓋 陛下
之積而有施而嵩之獨積于無用祇見其多而為害之甚
耳 陛下與其為費官鬻爵之令以助邊用盍去此蠹財

感蒙之臣以培國之元氣乎臣又聞數年以來忠諫之士敢怒而不敢言者由嵩交結足以售其奸陰險足以肆其毒未為朝陽之鳳即為立使之馬下為廷挺之鬼則為退激之卒苟有身家之念孰肯犯大難之端為此無用之言以賈必死之哉是以舌而長吁結氣而有待也臣為行人時每聞臣庶言反切盛腐心久矣彼以尚非言實忌懼出位適蒙擢用待罪南臺幸厠藹言之路遭遇受言之君既知奸慝優為緘默則臣尸位素餐之罪既不可逭而國家言官之置不如刻木為人而列之於朝且無食祿之費矣臣井不知薄西山莽虐無幾然一日

業乎其官則一日流毒于民 陛下為 三皇五帝之隆
而容此共工驩兜之屬以 月恒日升之聖而瞻此朝不
謀夕之奸臣不知天下後世將以 陛下為何如主也臣
非不知謝事高蹈獲勇退之名隱惡苟全養壽命之道何
乃自苦如此蓋既以身許 國則死亦人之所不免耳而
況於毒民以逞誠非細故為邊圉黨侮由斯人可隱忍首
全以貽 主上之憂乎臣非不知憚人無才不足以動
人主一為所動非踈逖之臣未孚之言所能離也然進言
任 君不敢逆睹其不聽而不進也臣非不知 左右爰
立皆其深締之腹心一言漫闥密啓妄 瀆斧鋸伏焉臣

亦盡其職焉耳其他不暇顧也臣非不知蒿之數十假子
待蒿而舉火一苞或去諸孽安附則所以為竊符之救井
石之下者不知其幾也臣既為机上之肉其後不遑恤也
臣非不知錢至百萬可以通神以蒿之富惟順指氣使臣
無死所矣臣雖握粟又何計焉臣父母垂老妻子俱少非
不知承歡膝下樂其妻孥之為快也臣死之後父母失養
妻子零丁孤苦有甚于天下臣民罹蒿之害也然時事至
此殊非太平之象將為戎馬之場臣且舉家焚燎自經林
木有甚于失養孤苦者此時若用微臣之言猶為不遠之
復則臣之父母妻子享安寧之福有甚于臣之生矣臣以

一死而易天下之治父母妻子之安顧不偉歟夫嵩之血氣既衰成之在得固也其所以得之不以其道愈得而愈無厭者嵩能持之入地下乎為後計也臣亦人也寧無計後之心而死陛下之怒欲去必不可去之奸以取必不可生之辱雖後亦不遑計有良以世受恩榮作養之遠每欲捐軀以報陛下之知遇復敢畏死當言而不言也哉臣犬馬之誠誓不隨班綬之後以累平明之治伏乞俯鑒臣言將嵩速賜辭無以謝陛下并究臣不當評大臣之罪以謝嚴嵩則臣隣幸甚天下幸甚再照吏部為百官之長四司為衡鑑之公衡不平則輕重或得以淆其

等鑑不空則妍媸或容以逃其形此進退人才之根而古
今理亂之源尤不可使一壬人廁乎其間者也案既以奔
競而為中書復假權勢而入吏部玩法干紀肆行無忌公
禮私覲明受不辭遂使中外唾罵賢愚共怒號私宅為金
帛之府開京師有小萬之謡夫以嵩之奸佞欺負而案
又以邪僻濟之則寵賂之章國家之敗臣不知其所終
矣况頃值皇上宵旰求賢若此近臣濫竽華秩固宜上
體一人之憂允稱百僚之式使來享之遠人聞之凜
然有韓范之威可也而乃穢墨如此傳笑四方何以示
中國之清乎且朝覲在邇冠裳咸集似此巧人偽夫必

善潛要詐索亦不可一日羣其位以妨賢哲之路者也
伏乞 勅下該部并將萬案盡為罷斥別選正人以充斯
任庶名器不濫而官箴以肅奸慝用懲而蠻方可遏矣臣
感激于衷不識忌諱冒昧 上言干瀆 天威無任戰兢
隕越俟 命之至

察奸邪以清政本跡

吳特來

臣連日伏睹 聖明以邊事為急將各誤事之臣究問大小臣工無不忻躍昔舜四罪而天下咸服文武一怒而天下舉安正 聖明今日之聖明也夫邊臣剋剝軍餉以餽執事之臣罪也何辭至若執事之臣與之交結通同上欺人主下壞邊防揆其所自罪惟均若不一併究治臣恐病根不除久必復發臣待罪諫垣有聞而不以告是謂之上負 天子也臣不敢也臣聞四方多壘士大夫之耻宋臣呂蒙正尚以四方無事變奏願服自卜相識之盡人問其故直以為我無他故可見知為 國求賢使文武各

稱其職而已今大學上嚴嵩執政已十二年若謂文武進退悉由吏兵二部則輔臣不宜下侵其事今既下侵其事而引用匪人以致蠹國害民選事日非誰之過與嵩年已老志慮精神大不如前位極心滿無所他望唯有黷貨之心不自厭足私令其子世蕃入直托言書寫干預國政擬票揭帖盡出其手旨意全下先以傳播人口世蕃亦每每先以示人不知辭避嵩對人言小兒之意如此此臣謂聖天子明明在上萬幾獨斷即有一二謀及宰執高宜自竭其愚不應謀及其子世蕃以輔臣之子自當避嫌不應窺覷幾微以市恩敗人丁外也濫引伊親萬衆

為文選郎中方祥為職方郎中彼此為奸賄賂公行吏部
推一官覆一事必稟白世蕃而後敢推政覆兵部推一官
覆一事必稟白世蕃而後敢推政覆世蕃何曾有恩報之
心論其人之賢否事之是非助其父以忠於君上哉不
過視其所入之多寡而已即不論他趙文華高所引用也
征南回時將銀二萬兩銀絲帳一床送與世蕃嬖妾二十
七人各金銀首飾一副世蕃猶以為未足文華告病疏草
即世蕃為之若非聖天子明明在上文華且馳驛索歸
矣張經之被逮也將銀五千兩送與世蕃求救及其不免
止將銀五百兩送還經弟張中洲名曰路費夫經朝廷

之罪人也若非先前受其重賄死後何為贈以路費乎若非聖天子明明在上經且非保首領矣王汝孝節州失事將銀三千兩央檢討梁紹儒過與世蕃止問軍罪當有給事中袁洪愈劾去紹儒特畏世蕃不敢言耳蔡克廉陞淮揚巡撫即行吉安府將銀三千兩送至其家赴淮不及數月賊報方急而克廉果陞戶部侍郎去年給事中張燈乞要父任蓋指克廉特未顯言之耳楊順誤國欺君陛下之所知也何功可錄而三廕其子既廷監讀書又為錦衣千戶及百戶乎人言陞賞一次順共銀三萬兩方祥以職方司承行亦得三千則三萬之多必無疑也臣

思聖天子明明在上今已洞察其奸矣必不肯輕以廢
子之典濫加順有罪之人必世蕃誤萬萬因以誤陛下
也吳嘉會修邊冒破陛下之所知也何功可錄而驟陞
三級連陞三子乎人言嘉會將修邊銀兩打造銀器五扛
送與文華轉送世蕃曾被尚書萬 面折其事今御史萬
民英言其鑽刺結援蓋其所結非世蕃而誰臣思聖天
子明明在上今已洞察其奸矣必不肯以廢子之典濫加
嘉會有罪之人必世蕃誤萬萬因以誤陛下也夫為
朝廷弭盜安民於外者不過文武諸臣然而以督撫為尊
朝廷之激勵人心者不過曰賞曰罰然而以得中為權今

唯賄賂之行可以免罪可以脫身又可以陞官廢子亦何
難于尅軍民之膏脂以博顯庸而復樂于任事任難以為
朝廷圖久安之業者哉邊事之難人人知之若其難必須
自盡其力不能則繼之以死又不能則宜自度罔效以聽
其罰于 朝廷但不應極其莫大之罪以竊非常之

恩今日陞官明日廢子欺罔 天廷一至此極也今之軍
民貧困極矣謀 國者既乏良策又敢私其黨類任其掊
剋而又酬以陞賞之厚此焉是幸城之來以為市也不亦
深可痛哭流涕乎故今邊事之不張由於軍民之窮軍民
之窮由於上官之貪上官之貪由於謀 國之無人拔本

寒源之喻願 皇上察之也昔楊漣捐業俱可稱述其子
以事受誅家藏十萬金今嵩之貪污不比楊漣而世蕃之
狠過於楊因每月二次差人搬運回家充斥道路絡繹不
絕其果何所從來哉萬家方梓南行俱各滿載人有萬百
萬方十萬之號其在世蕃又可知也伏乞 勅下九卿衙
門提證如果臣言不謬將嵩放歸田里以全 國體世蕃
肆諸市朝以正 國法庶幾 天討彰而寒源清將內順
治而外威嚴安攘大業掀揭古今於南倭北虜無難矣

亟慶大奸巨惡以謝天下

張紳

臣自幼讀書知君父之恩天於天地每懷忠孝欲報

明時耿耿於中久矣臣自二月以來病卧在床屢聞聖報

甚急錢糧空虛至厯聖書求所以備邊禦虜之宜又安

長治之策臣因扶病強起感激泣下曰聖明求治如此

之勤憂民如此之切而下有奸臣重負國恩使朝廷

美意不能下究今天下臣民徒痛入骨髓然皆畏彼之威

愛已之死不取言臣又畏威愛死亦不敢言其自為計則

得矣其如君父之恩時事之急何哉乃敢焚香具疏瀝

血陳懇誓布赤心仰冀天聽語曰主聖則臣直惟

陛下察之憐之臣按大學士嚴嵩陛下任之甚專優之甚厚以貴則位極人臣以富則貲蓋天下錄其子至工部侍郎錄其孫至錦衣中書賓客盡登顯要親戚盡衣青紫古今以來可謂極榮遇矣夫馬尚知報主而況人臣受知君父又極其優渥者乎報恩且不暇而又況恣行貪險大壞政事乎臣不暇歷舉姑以今日邊情之所以急錢糧之所以乏人才之所以下皆本于嵩所致為陛下陳之何謂邊情之所以急國家所恃以屏翰醜虜者在於邊鎮而已苟邊鎮諸臣皆由公道推舉各得其人則必能留心邊務何至今日惶惶哉自嵩輔政以來一時督撫將帥

盡由賂賄所得方其未推之先臣不論其才但關節通於
蒿者該部乃收以其名上及其既推之後俱不論其功但
問安勤於蒿者該部隨即以其名臣陸托名脩邊者非實修
邊以餽蒿也并名築堡者非實築堡以餽蒿也賄賂一人
或指收為功或謂入為遁獲受全軍得以族子戕殺平民
得以陞官相欺相隱日甚一日至使 祖宗二百平以來
邊防之計盡為廢壞如此則酬厲安得不橫右衛安得不
困耶臣竊為蒿不能雖有善用兵如韓信李牧邊防無能
為也何謂錢糧之所以乏 國家定額以給發各邊官取
之戶部而已苟戶部所發督撫將帥盡得以供軍需而蒿

不重責常例似亦是用無至今日太常寺官高輔政以來
一時督撫將帥既以賄賂為事豈敢取之私家必剋減軍
餉朝出戶部之門暮入奸臣之府以十分計之四分輸邊
六分餽高矣臣每過長安街即見高門下無非邊鎮承差
齎餽絡繹日以十數計未見高先見其子世蕃未見世蕃
先謁家人嚴年即嚴年之富已至數十萬則世蕃可知語
曰人臣不可使富於國高欲何為耶致使軍餉盡歸私
第而沿邊將士凍餒不保朝廷臣不意祖宗二百年以
來養軍之費盡為所耗散如此則戶部安得不竭四方安
得不窮也臣竊謂高不罷雖有善理財如朱弘治亦無

餉亦不能足也夫邊防急矣錢糧乏矣使為之人才者猶足以供陛下之用則亦不足憂也奈何今日之人才又為高所敗壞無有底止乎蓋自彼輔政以來不顧朝廷名器為紀綱所在惟知私家囊橐大開鬻爵之門其子世蕃又以市井無賴之資藉父虎狼之勢凡百貪惡害人罔所不至故一時無耻之徒如梟獍腐如蛆蚋穢或在內也則圖為改官終日干謁于私第或在外也則謀為遷秩終歲打點千京師有以三千五千調美官者有以七百八百得與選者公行白日乞哀昏夜遂至靡然成風如喪心狂病然臣不意祖宗二百年以來養士之節其庶幾禮

義盡為高所敗壞一至於此又安望今日人才有能忠貞
為國愛民憂時耶臣竊謂高不能則人才日下人才日
下則理財禦邊終不能為也夫國家之最重且大至於
邊防錢糧人才盡之矣今皆為其所壞如此陛下雖憂
民之深求治之切奚益哉雖然不但已也其險足以傾人
其詐足以惑世其辯足以亂正其才足以濟惡附已者不
顧公論立登之顯要不附已者不畏天道立陷之死地其
意蓋以箝天下之口使天下之人深畏其威而不敢言也
既不敢言然後益得以恣其兇惡無所顧忌忠義之士安
得不悵惋激憤深長之憂也臣嘗讀宋史至仁宗之朝夏

竦在位當是時元昊陸梁女真犯順于是歐陽脩論奸邪傾險懷詐不忠仁宗遂罷之蔡襄言於仁宗曰陛下欲竦之日士大夫賀於朝萬民歌於路至飲酒呌號以為欲夫退一巨奸使人心踴躍如此則忠義奮發群策畢舉又何憂乎元昊女真哉今陛下聖神剛健即堯舜禹湯文武豈宋仁宗所能彷彿其萬一如曩者亟出奸臣趙文華當時百官兆民莫不舉手加額極口稱快咸服聖神明見萬里以為太平盛事今嵩者又文華十倍歟怨已深不可不亟處以謝天下者也況今虜騎縱橫東南未靖府庫空虚天變屢見正人心恐懼之際若不先因其怨惡速加

罷斥則不足以謝天下又何以鼓舞忠義責其成功哉伏
乞勅下九卿科道等官會議如果臣言不謬即賜罷
斥則人心歡悅猶有過于蔡襄所云者沿邊將士不戰而
氣自倍百司庶府不令而政自清邊防立見其固錢糧立
見其足人才立見其正矣區區之念惟知報主與蒿素
無惡惡豈不知言出禍隨況臣孤身萬里抱病且久少加
譴責即性命不全母老妻幼流離異鄉豈臣之愚不及此
哉但思古人忠君愛國凡有益乎社稷雖捐生為
之臣以是惟知君父之恩為重惟平生之學為重而不
遑惜其他也惟陛下察臣之心赦臣之死罪臣不勝

悚懼恐惶之至

皇明兩朝疏抄

卷二十

四

火

早誅奸險巧佞賊臣疏

楊繼盛

臣前在兵部車駕司員外郎諫阻馬市言不及時本內脫
字罪應下獄被逆鸞威屬問官將臣手指拶折脛骨夾出
必欲置之於死荷蒙 皇上聖恩薄罰降調不二年間復
陞今職夫以孤直罪臣不死逆鸞之手已為萬幸而又遷
轉如此之速則自今已往之年皆 皇上再生之身自今
已往之官皆 皇上欽賜之職也臣蒙此莫大之恩則死
事有益於 國家可以仰報萬一者雖死有所不顧而
夜抵懼思所以捨身圖報之道又未有餘事 竊思
者况臣官居兵曹以討賊為職然則不專於空言也

於社稷人民者均謂之賊臣賊子大學士李繼登奏稱
誤國殃民其天下之賊臣賊子方今正欲之也臣等
虜為急在內之賊臣賊子方今正欲之也臣等
疾也賊高者門庭之內也臣等疾也賊高者門庭之內也
後未有內賊不去而外賊
在勤絕胡虜之先且高之罪
鍊王宗茂等常劾之矣然止
僭竊之罪高之奸佞又善為
之非 皇上之仁恕又無高
歸正之道故高猶得竊位至
乎高於此時日夜感恩可也
感容留之恩而圖為改邪

思其無忘悼之為衆也俱備肆端絕雖離經叛道取天
下後世之譴罵亦有所不顧矣皇上敬天之誠格
于皇天上天恐外臣害皇上之治而屢示災變以
警告去年春雷久聲云大臣專以然臣莫大于嵩而專
政亦未有過於嵩者去年冬日下有赤色占云下有叛臣
夫曰叛者非謀反之謂也心不在君而背之者皆謂之
叛然則背君之臣又孰有过于西乎如各處地震與夫日
月交食之變其災皆當應于賊害之身者乃日待其側而
不覺上天仁愛警告之心亦必怠且孤矣不意皇上

聰明剛斷乃甘受高欺人言既不見信雖上天示警亦
不省悟以至於此也臣敢以蠶之專政叛君之十大罪
為皇上陳之我太祖高皇帝親見宰相專權之禍遂
詔天下罷中書丞相而立五品大卿分理庶政殿閣之
臣惟備顧問視制草不得干國事故載諸祖訓有
曰以後子孫作皇帝時臣有建言設立丞相者本人
凌遲全家處死此其為聖子神孫計至深遠也及高為
輔臣儼然丞相自居挾皇上之權侵百司之事凡府部
每事之題覆其初惟先呈稿而後敢行及今回輿而後
敢起稿高之直房百官奔走如市府部堂司高差人絡繹

不絕事無大小惟嵩主張一或少違顯禍立見及至失事
又謝罪於人雖有前丞相之專恣未有如斯之甚者是嵩
雖無丞相之名而有丞相之權有丞相之權無丞相之下
係以故各官之陞遷未及謝恩先謝嵩矣諡惟知事權出
于嵩惟知畏懼奉承於嵩而已此壞祖宗之成法一
大罪也權者人君所以統馭天下之具不可一日下移
臣下亦不可毫髮僭踰皇上令嵩票本蓋任人圖政之
誠心也豈意嵩一有票本之任遂竊威福之權且如皇
上用一人嵩即差人先報曰我票本薦之也及皇上黜
一人嵩又揚言於衆曰此人不親附於我故票本罷之

皇上有一人嵩即差人先報曰我票本救之也及 皇上
罰一人嵩又揚言于衆曰此人得罪於我故票本報之凡
少有得罪于嵩者雖小心躲避嵩亦尋別本帶出 旨意
報復陷害是嵩竊 皇上之恩以市已之惠假 皇上之罰
以彰已之威所以群臣感嵩之惠甚於感皇上之恩畏嵩
之威甚於畏 皇上之罰也用舍賞罰之權既歸于嵩大
小臣工又盡附於嵩嵩之心膽將不日大且肆乎臣不意
皇上之明斷乃假權于賊手如此也此竊 皇上之大
權一大罪也善則稱君過則歸己人臣事君之忠也書曰
爾有嘉謨嘉猷則入告爾后於內爾乃順之于外曰斯謨

斯猷惟我后之德蓋人臣以已之善而歸之於君使天下
皆稱頌君之德不敢彰已之能以與君爭功也嵩于

皇上行政之善每事必令于世蕃傳於人曰 皇上初無
此意此事是我議而成之蓋惟念天下之人不知事權之出
于已也及今則將 聖諭及嵩所進揭帖刻板刊行為書
十冊名曰嘉靖疏議使天下後世皆知 皇上以前所行
之善盡出彼之撥置主張 皇上若一無所能者人臣善
則稱君之忠果若此乎此掩 皇上之治功三大罪也

皇上令嵩票本蓋君逸臣勞之意嵩乃令于世蕃代票恣
父逸子勞之為世蕃却又約諸乾兒子趙文華等群會票

擬結成奸黨亂政滋弊一票屢更數手機密竟不漏泄所以
旨意未下滿朝紛然已先知之及聖旨既下則與
前所講若合符契臣初見嵩時適原任職方司郎中江冕
稟事於嵩曰昨御史蔡朴叅守備許實等失事本部覆本
已具揭帖與東樓聞東樓已票送入未知如何東樓者世
蕃之別號也嵩云小兒已票罰俸內分兩等甚有分曉

皇上定是依擬臣初甚疑及後旨下果如嵩言即臣所
親見一事則其餘可知矣又前經歷沈鍊劾嵩皇上將
本下大學士李本票擬本又熟輒臆鄙奔走嵩門下為嵩
心腹感嵩之恩畏嵩之威惶惶落魄莫知所措差人問世

蔣如何票世蕃乃同趙文華擬票停當趙文華袖入遞與李本李本抄票封進此人所共知也即劾嵩之本世蕃猶得票擬則其餘又可知矣是嵩既以臣而竊君之權又以子而並已之權直官執政不服天下孰敢不畏故今京師有大丞相小丞相之謠又曰此時父子二閣老他日一家盡獄囚蓋深恨嵩父子並專權柄故耳此縱奸子之僭竊四大罪也邊事之廢壞皆原於功罪賞罰之不明嵩為輔臣以明功罪以勵人心可也乃為壟斷之計先自貪冒軍功將欲令孫冒功于兩廣故先布置伊表姪歐陽必進為兩廣總督親家平江伯陳圭為兩廣總兵鄉親御史黃

如桂為廣東巡按朋奸比黨朦朧奏合先將長孫嚴效忠
冒而廣奏捷功陞所鎮撫又冒瓊州一人自斬七首級功
造冊繳部效忠告病乃令次孫嚴鵠襲替鵠又告併前效
忠七首級功加陞錦衣衛千戶今任職管事有武選司是
字十九號堂稿可查夫效忠嚴鵠皆世蕃子也隨任恭養
未聞一日離家至軍門乳臭孩童亦豈能一人自斬七首
級而假報軍功冒濫錦衣衛官爵以故歐陽必進得陞工
部尚書陳圭告病回京得掌後府印信黃如桂得驟陞
太僕寺少卿是實既竊 皇上爵賞之權以官其子孫又
以子孫之故陞遷其私豈此俑既作倣效成風將應奎等

今子冒功打死發遣官尚有以倡之也夫均一冒功也在將應受等賞冒科道則効之在賞食冒人所共知科道乃不效然尚積威足以箝天下之口可知矣此朝廷之軍功五大罪也逆賊仇鸞總兵甘肅等事幸任嘉靖二十年張達等陣亡正胡虜竊伺之時使高少有為國家之心選一賢將胡虜聞知豈敢輕犯京師世蕃乃受鸞銀三千兩威逼兵部薦為大將及鸞冒哈舟兒軍功世蕃亦得以此陞官廕子嵩父子彼時嘗自誇以為有薦鸞之功矣及鸞權日盛出高之上反欺侮于嵩嘗自嘆以為養虎遺患後又知皇上有疑鸞之心恐其敗露連累始不

相合互相誹謗以我初黨之跡以眩皇上之明然不知始而逆鸞之所以敗肆者恃有萬終而萬與逆鸞之以相反者知 皇上有憂鸞之心耳是勾虜背逆者鸞也而受賄引用鸞者則吾與世蕃也使非吾與世蕃則鸞安得起用雖有逆謀亦安得施乎 聖賢受上賞進不肯受顯戮高之罪惡又出鸞之上矣此引背逆之奸臣大罪也嘉靖二十九年胡虜犯京深入失律歸路已絕我軍奮勇正好與之血戰一大機會也千萬萬里力主勦賊以伸中國之威以紓皇上之憂可也乃曰京師與邊上不同邊上敗猶可掩飾而京戰

敗 皇上必知莫若按兵不動任賊搶足便自退面以故
汝璣傳令不戰及 皇上挈問汝璣求救于嵩嵩又曰雖
是挈問我其揭帖維持可保無事蓋恐汝璣招出真情故
將此言啗哄以安其心汝璣亦恃嵩平日有回天手段故
安心不變及汝璣臨刑始知為嵩所誤乃大呼曰嚴嵩誤
我矣此人所共知也是汝璣不出戰之故天下皆知為嵩
主張特 皇上不知之耳此誤 國家之軍機七大罪也
黜陟者 人居之大權非臣下可得專且私也刑部郎中
徐學詩以論劾嵩與世蕃軍任為民矣嵩乃於嘉靖三十
年考察京官之時恐嚇吏部將學詩兄中書舍人徐應豐

罷黜荷蒙 聖明洞察其奸將應豐留用夫應豐乃

皇上供事內庭之臣嵩猶收肆其報復之私則在內之臣
遭其毒手者又何可勝數耶戶科都給事中厲汝進以論
劾嵩與世蕃降為典史矣嵩於嘉靖二十九年考察外官
之時逼嚇吏部將汝進罷黜夫汝進言官也縱言不當

皇上既降其官矣其為典史則無過可指也嵩乃以私怨
罷黜之則在外之臣被其中傷陷害者又何可勝數耶夫
嵩為小人故善人君子多與之相反嵩不惟罷其官又且
加之罪不惟罰及一身又且延及子弟以善類為之一空
此時計數正人君子能幾人哉是黜陟之權 皇上持之

以激勵天下之人心賊蒿竊之以中傷天下之善類此專
黜陟之大柄八大罪也蒿既專權則府部之權皆撓於蒿
而吏兵二部大利所在尤其所專主者文武官之遷陞不
論人之賢否惟論銀之多寡各官之任亦通不以報效

皇上為心惟日以納賄賊蒿為事將官納賄於蒿不得不
剝削乎軍士所以軍士多至失所而邊方為甚有司既納
賄于蒿不得不濫取于百姓所以百姓多至流離而北方
之民為甚一人專權天下受害怨恨滿道含冤無伸人人
思亂皆欲食蒿之肉 皇上雖愛加撫恤之恩豈足以當
蒿殘虐之害若非 皇上德澤之深 祖宗立法之善天

下之激變也久矣軍民之心既怨恨思亂如是臣恐天下之患不在胡虜而在域中此失天下之人心九大罪也風俗之隆替係天下之治亂我朝風俗淳厚近古自逆瑾用事姑為少變皇上即位以來躬行古道故風俗還古及嵩為輔臣諂諛以欺平上貪汙以率其下通賄慝慙者雖貪如盜賊而亦薦用奔競疎拙者雖廉如夷齊而亦罷黜一人貪戾天下成風守法度者以為固滯巧黠縫者以為有才勵廉介者以為矯激善奔走者以為練事卑污成套牢不可破雖英雄豪傑亦入套中從古風俗之壞未有甚于此時者究其本源嵩先好利此天下所以尚乎貪

嵩先好諛此天下所以皆尚乎諛源之不潔流何以清風俗不正而欲天下之治得乎此壞天下之風俗十大罪也嵩有十大罪昭人耳目以 皇上之聰明固若不知者何哉蓋因 皇上待臣下之心出於至誠賊嵩事 皇上之奸入於至神以至神之奸而欺至誠之心無恠其墮于術中而不覺也臣再以嵩之五奸言之知 皇上之意向者莫過于左右侍從之臣嵩欲托之以伺察 聖意故先用寶賄結交情熟于 皇上宮中一言一動一起一居雖嬉笑欬戲之聲遊觀燕樂之為無不報嵩知之每報必酬以重賞凡 聖意所愛憎舉措嵩皆預知故得以遂逢迎之

巧以悅 皇上之心 皇上見嵩之所言所為盡合

聖意蓋先有人以通之也是 皇上之左右皆賊嵩之間
謀此其奸一也通政司納言之官嵩欲阻塞天下之言路
故令乾兒子趙文華為通政司使凡章奏到文華必將副
本送嵩與世蕃先看三四日後方纔 進呈本內情節嵩
皆預知事少有干於嵩者即先有術以為之彌縫聞御史
王宗茂劾嵩之本文華停留五日方上故嵩得以展轉撫
拾其故是 皇上之納言乃賊嵩之攔路犬此其奸二也
嵩既內外彌縫固家所畏者廠衛衙門緝訪之也嵩則令
子世蕃將廠衛官籠絡強迫結為兒女親家夫既與之親

雖有忠直之士孰無親戚之情於賊黨之奸惡又豈忍緝訪發露不然萬籍江西去京四千餘里乃結親於此勢屬不便欲何為哉不過假婚姻之好以遂其掩飾之計耳皇上試問萬之諸孫所娶者誰氏之女便可見矣是

皇上之爪牙乃賊黨之爪葛此其奸三也廠衛既為之親所畏者科道言之也豈惡其奏劾故於科道之初選非出自門下者不得與中書行人之選知縣推官非通賄門下者不得與行取之列考選之時又擇熟輒圓融出自門下者方補科道苟少有忠鯁節義之氣者必置之部屬南

京使其知其罪而不得言言之而亦不真既選之後或入拜

則留其飲酒或出差則為之餽贐或心有所愛憎則唆之
舉劾為嵩使令至五六年無所建白便陞京堂方面夫既
受嵩之恩又附嵩且有效驗孰肯言彼之過乎其雖有一
二感 皇上之恩而欲言言有又畏同類泄露孤立而不敢
言而嵩門下之人每張太嵩之聲勢陰阻其敢諫之氣以
故科道諸臣諱忍於負 皇上而不敢忤于權臣也是
皇上之耳目皆賊嵩之奴僕此其奸四也科道雖籠絡停
當而部官有如徐學詩之類者亦可惧也嵩又令子世蕃
將部官之有才望者俱網羅門下或援之鄉里或托之親
識或結為兄弟或招為朋客凡部中有事欲行者先報世

審知故嵩得預為之擺布各官少有怨望者亦先報世蕃
知故嵩得早為之斥逐連絡蟠結深根固蒂合為一黨互
相倚附各部堂司太平皆嵩心腹之人皇上自思左右
心腹之人果為誰乎此真可為流涕者也是皇上之臣
工多賊嵩之心腹此其奸五也夫嵩之十罪賴此五奸以
彌縫之識破嵩之五奸則其十罪立見意嵩握重權諸臣
順從固不足怪而太學士徐階負天下之重望荷皇上
之知遇宜深抵力排為天下除賊可也乃畏嵩之巧足以
肆其謗恨嵩之毒足以害其身寧鬱快終日凡事惟聽命
於嵩不敢持正少抗是雖為嵩積威所劫然於皇上亦

不可謂之不負也。階為次制，畏高之威，亦不足怖。以
皇上聰明剛斷，雖神鸞隱惡，無不悉知。乃一向含容于高
之顯惡，固若不能知。亦若不能去。蓋不過欲全大臣之體
面，姑優容之，以待彼之自壞耳。然不知國之有高猶苗
之有莠，城之有虎。一日在位，則為一日之害。皇上何不

忍割愛一賊臣，顧忍百萬蒼生之塗炭乎？況爾來疑

皇上之見猜，已有異離之心。志如再賜優容，姑待之恩，
恐致以前宰相之禍。天下臣民皆知其萬萬不可也。臣前
見阻馬市，謫官邊方往返一萬五千餘里，道途艱苦，妻子
流離，宗族賤惡，家業零落，垂復今職，方繞一月。臣雖至愚，

非不知與時浮沉可圖報於他日而獲危冒險攻難去之
臣徒言取禍難成僥倖萬一之功哉顧 皇上既以再生
之恩 賜臣臣安忍不捨再生之身以報 皇上況臣枉
直之性生于天而不可變忠義之心瘁於中而不可忍每
恨壞天下之事者惟逆讒與嵩讒已極死獨嵩尚在嵩之
奸惡又倍於讒將來為禍更甚使舍此不言再無可以報
皇上者臣如不言又再有誰人敢言乎伏望 皇上聽臣
之言察嵩之奸群臣于嵩畏威懷恩固不必問也 皇上
或問 二王令其面陳嵩惡或詢諸 閣臣諭以勿畏嵩
威如果的實重則置以專權重罪以正 國法輕則

諭以致仕歸家以全國體則內賊既去朝廷可清矣
將見胡虜前既聞逆讎之死今又聞嚴嵩之誅必畏
皇上之聖斷知中國之有人將不戰而奪其氣聞風
而喪其膽況賊臣既去豪傑必出功賞既明軍威自振如
或再寇用間設伏決一死戰雖係僉答之頸梟吉囊之頭
臣敢許其特易耳外賊何憂其不除虜患何憂其不絕
乎內賊既去外賊既除其致天下之太平何有故臣欲捨
死圖報而必以討賊臣為急也然除外賊者臣等之責而
去內賊者則皇上之事臣感皇上知遇之厚不忍負
荷皇上再生之恩不能感激無地故不避萬死

早除元惡以圖安攘疏

董傳策

臣近見北虜寇邊財用訕乏廢虛皇上膏肝之憂至發帑藏濟急聖意所嚮遂令言官糾劾邊臣累下明旨究治此誠感發人心之一機也然邊臣之敗於欺罔皆由輔臣嚴嵩之主持而言官所論未有極陳元惡之誤國者臣側耳數日寂無所聞蓋皆畏彼之中傷而愛身惜死故寧負陛下而不敢負奸臣耳臣知陛下之英明神武非不洞燭其奸特以輔臣尚為優容令自悛改而嵩恬不知警負恩日深不思主憂臣辱之義益肆誣上行私之奸居位一日則天下受一日之害今言官既不敢言諸

曹又不能言 國家養士二百年一旦披靡不忠至此臣
竊私心痛之 祖宗舊制天下事許諸人直言無隱況今
有 君如此寧忍負之臣敢披肝瀝膽條列蒿之大罪伏
惟 陛下少垂聽焉夫邊疆之守責在督撫諸將官督撫
諸將官所以鎮安邊陲者徒以財用得人之死力也今戶
部所發歲不下百萬至為一切苟且之謀日不暇給而諸
邊臣尚猶結深蒿心以求護己之敗所請財賦大半入蒿
之家或以數萬希圖內轉或以盈箱冀獲優師展轉饋送
殆無虛日遂令軍士嗷嗷待哺救死不贍虜至閉城任其
得利而去蒿為元輔臣不以聞甚至邊臣已罹法者蒿猶

受其賂遺曲為掩護所謂豺狼當道安問狐狸此其壞邊
防之罪一也更兵二部文武人才所推用恒必由之而高
撓部事賂賄公行選司注官至持簿入嵩之門任其填發
將官求推善地動輒陪剋軍士以充饋獻如近歲萬案為
文選方祥為職方皆嵩之至親擇為心腹順指氣使不異
奴隸至有文管家武管家之謠此其鬻官爵之罪二也

大工鼎建財用不貲識者蓋以民力為憂而嵩猶乘機侵
剋縱欲無厭採木侍郎劉伯躍係嵩同鄉行郡動支贍罰
銀兩或坐派民錢致之嵩家前後累至數萬他欲築堡修
城之費皆冒假公營私而獻諂者又甘為浸潤或因而攘

入私囊遂至冒破日甚講求無措夫天地生物止有此數不在官則在民今天下財賦既不在公帑又不在民間其在高家可知也 陛下試令人查檢高家恐富有富于帑藏者此其蠹 國之罪二也趙文華罪惡滔天賴

陛下英斷斥之使去而高猶恃乾兒之愛所得囊橐鉅萬盡寄高家蓋造大房居 皇城之西嶺壓上游而高擅收入已畧無顧忌遣令數人護送文華南還北至徐州即駕座船恐嚇州縣私役民夫及支供給費高之敢護私人類如此此其樹黨與之罪四也天下諸藩臬有司歲時問安高家動以千計勢不得不陪剋民財民財日困則高家日

富絡繹遣人解回江西動起關文騷擾驛遞有如狼虎所
至折乾要索綁縛官吏莫敢誰何此其騷擾驛遞之罪五
也自當貪饕不顧一時嗜利無耻之士盡出其門晝夜乞
哀或以五六十求改要地或與七八百與選士風大壞官
箴日喪緩急不得賢才用而當猶得洋洋坐政府自謂得
計回視要地皆彼心腹莫敢出一語即有能自振拔者亦
不得不隨風而靡此其壞人才之罪六也夫此六者罪大
惡極釀成患階徒以高之奸邪善能變眩名實擠人死地
而世蕃又以市井無賴之資入市攫金逢迎父惡恬不為
惟一時臣子非受高父子之舉即畏高父子之奸誰肯為

陛下言者臣待罪刑曹官詰好慝平生讀忠孝書蓋熟聞
致身之義久矣臣豈不知此疏一入縱陛下知臣忠直
而違忤奸臣之意一有譴責立可闕節致死况臣羸弱多
病尤易傾危加之以親老無子孤立異鄉寧不自惜但有
憾於聖明在上何奸不燭而諸臣患得患失動以及身
之禍自諉有君無臣誠可憤惋臣故不論一身利害冒
昧上陳為天下蒼生懇祈明主速賜乾斷以求安懷
實効臣之微軀何足惜哉倘蒙俯垂採納乞勅九卿
科道官從公會議數書罪狀取自上裁但令解柄放還
即天下蒼生受福而陛下勞心焦思不為無益將見人

心雖然思奮三軍之士氣增百倍而黨惡漸可消除賢才
漸可效用邊防漸可修舉官爵漸可愛惜 國用漸可充
積地方漸可寧謐矣臣不揣疎賤發自忠憤伏惟 聖明
憐察臣不勝激切惶悚之至

貪橫虐臣欺 君靈 國疏

鄒應龍

臣竊惟 朝廷之優禮臣下何其至哉貴以崇爵富以厚
祿以榮其身以潤其家足矣然未已也猶恤其私而廢及
其子若孫焉復為之崇爵厚祿視其父祖亞焉 朝廷之
優禮臣下何其至哉夫是則為之臣者正宜夙夜匪懈雖
捐糜其軀猶不足以仰荅萬一也而況有貪橫欺罔靡所
不至者可不為之切齒痛心也乎此臣所以不避鈇鉞而
敢披瀝乎 君父之前也切照工部左侍郎嚴世蕃本以
父官得承 蘭命歷陞清要位貳冬卿 朝廷之優禮也
可謂至矣為世蕃者臣不知宜何如以報 朝廷也夫何

頻年以來大肆身謀蔑視國法臣不服一一悉數其罪
謹擇其尤者一二以瀆天聽夫爵賞者朝廷之典也
臣下惡得而私之然世蕃則視由已物廣致賂貽每一開
選則某官銀若干某官銀若干至于陞遷也亦然其缺銀
若干其缺銀若干群眾相競則價值轉增蓋未有不遂其
所需而可以自然得者試舉一以例其餘往年吏部稽勲
司缺主事凡資格相應者衆就而謀之如群兒爭啖一餅
然于是世蕃之門紛然如市有刑部主事今告病禮部祠
祭司員外郎項治元者本以宦豕必欲得此乃增至一萬
三千金世蕃家人嚴年為之遞送竟陞吏部主事人以所

賄之數有符昔之富民沈萬三者乃以沈官兒呼之士論
鬻然醜聲日甚本官尋以抱愧抑鬱遂告病去夫京官之
陞轉未必盡此輩也然此輩不終無也夫是以往歲河南
道監察御史今陞河間府知府張九功條陳時事有謂吏
部舊用千金今則增至萬金者蓋指治元而言之惜乎不
明言其姓名而公論至今惜之爾今歲三月揀選官員有
舉人潘鴻業者欲得山東臨清州知州自攜八百金乃稱
貸在京賈人一千五百金託中書嚴鴻以二千二百金送
世蕃竟除此官于是宰執大臣多有面斥其非者鴻業則
惶恐自失事遂露于同儕夫有司之陞授未必盡此輩也

然此事不終無也竊念京師借貸利半其本如此官者計速償已不下三千金矣柰何不取之民而誰取乎夫即此二事觀之則餘可類推矣不特此也每遇歲時及父子生日中外各官俱有餽贈遂為定例畧不見疑然則世蕃父子所蓄可勝計哉以過送之人言之有轎夫牛班頭者有家人嚴年者有親識中書羅文龍者有伊子中書嚴鴻者此輩固多而此數人則其尤著者爾然數人之中嚴年尤甚蓋由主人勢熾熏天故彼自爾尊重以鵲山為道號與士夫相往來歷年贖貨何止百十萬金往歲大學士嚴嵩生辰彼則以數萬金為壽夫家人之富如此主人當何

如耶又有極惡家人嚴冬者今在南京揚州儀真等處用
強奪買人田產數十處每處價可數千金賣者價銀纔得
十之四五而已剝取民財侵奪民利如此類甚多昔人所
謂敢怒而不敢言者其斯之謂與夫世蕃黷貨欺 君不
忠甚矣然猶有可議者徃值母喪例應回籍荷蒙 皇上
軫念伊父蒿年老 綸音留以侍養 命其子錦衣衛都
指揮僉事嚴鵬送喪夫為世蕃者猶當比例陳情以盡子
道可也夫何一聞 成命遂喜不自勝蓋彼自知所為不
道惟恐身去被人指摘且縱淫偷安已久亦不任行賄送
辛應酬倥傯也故肆然家居明示謝客暗通賄遺姬妾滿

前酣飲竟夕今一目已盲而恤心不悛昔人謂求忠臣于
孝子之門者臣敢必其不可得矣然猶縱于鵠沿途取索
郡邑為空恣意鞭箠民生塗炭此其為心何如也夫今天
下水旱頻仍倭虜未服民窮財乏難以措置者正由世蕃
父子貪淫過甚為官者勢必剥民脂膏空人皮骨以奉彼
之欲以償已之費而後已夫是則民奚以不貧民貧則
國奚以得富去歲因天旱奉 旨斥貪累荷蒙 皇上聖
明所斥降者凡數百人而此賊實為罪首反不與焉何則
彼父子積威所劫天下畏之如虎狼蛇蝎且黨類布列搖
動掣肘言之自取禍附故人不政及之耳比臣待罪行人

原無言責今蒙聖恩擢以言官尚何愛惜一死而緘默
苟容以負皇上以負祖宗乎恭照工部左侍郎嚴世
蕃本以鄙夫謬膺廕秩不思奉公盡職顧乃罔上行私
明開請託之門汙同徇私隳陰塞忠良之路狼似豺狼頃元
治一主事也乃受金一萬三千則陞京堂者所獲之多具
見潘鴻業一知州也必用金二千二百則轉方面者所費之
數可知任中書羅文龍為腹心自目之曰此吾弄臣是
朝廷之官輒敢玩侮聽家人歲年之主使人稱之曰鶴山
先生是童僕之賤亦爾尊榮一歲而生日禮節序禮各官
之解送魚貫珠聯一季而茶果儀問安儀各處之饋遺斗

量車載逝運珍奇寶貝水陸絡繹無休道路為之長嗟奪
占田地房屋左右侵凌未已士民付之一嘆錦衣玉食儲
擬王侯作福逞威權傾中外生民之膏髓剝歛無遺時事
之艱難坐視罔恤居喪無禮教子惟貪不孝不忠大姦大
惡故天下雖婦人小子亦願齎其肉而泄其憤懣之心然
内外有文武百官莫敢指其名而數其欺罔之罪此臣所
以切齒痛心而冒死以瀆天聽也再照大學士嚴嵩致
位首相受國厚恩植黨蔽賢何有廟廊之度招權納賄
寔同市井之為庭訓無方官常失職戒之在得其背先賢
格言專擅選官輒犯天朝明律此其罪當首論者也錦

衣衛都指揮僉事嚴鵠叨 朝廷之冠裳藉父祖之威勢

視祖母喪為奇貨一路恣意需索郡邑因之罄囊逞錦衣
官為近臣百官極力承迎豪傑為之喪氣此其毛頭鼠輩
亦敢狐假虎威罪當併論者也如蒙 皇上俯納臣之愚
忠 洞察逆黨如果臣言不謬將嚴高等或姑令退休或
加之顯罰或斬世蕃之頭懸之藁竿以示天下萬世為臣
子不忠不孝者之戒則天下之人有不稽首稱快仰頌

聖明者未之有也如是則群黨可以漸除善類可以日進
官清則政善政善則民安 國用有不足四境有不寧
聖化有不隆盛者亦未之有也如或臣言不實則願斬臣

明司章國本
之首亦懸之堂壁以謝世蕃父子以為天下萬世言官欺
誑者之戒則臣雖在九泉亦無恨也臣干冒 天威無任
惶悚戰慄之至

亟懲暴橫武臣以伸國法疏

浦鉞

天法者天下之公所以禁暴止亂懲奸治惡自古人主制
馭臣民之柄惟此而已雖親舊不可少徇雖私昵不可少
屈者也少徇則國事不兢人將玩焉而不知所畏少屈則
國法不伸人將忽焉而易有以犯何以為輯寧人心之
具哉臣近見點閣京營官軍給事中王科御史陳察各舉
劾武定侯郭勛貪濫事蹟續該刑部題覆皆按其事之侵
欺有實跡科索有實跡賈致有實跡役占有實跡藏匿奸
黨有實跡貪橫壞事剝削害人匪涉風聞而已使勛有一
於此法亦不可廢也况罪惡充溢尚可少貸乎人皆謂勛

之敗露如此法必不容以徇矣陛下之於勛法必不容
一日少屈矣聖明之下將必抑勛貪暴置勛於法上以
伸嫉惡之公論下以舒抱恨之軍士而治道一清也不意
陛下因勛奏辯而復寵以溫旨於刑部題覆奉聖
旨郭勛具本奏辯已有旨了臣等聞之不勝驚愕繼而給
事中鄭自璧等交章論劾譴責不加人心皇皇皆謂陛
下處勛若此公論安在哉國法安在哉臣等仰窺陛
下所以優容之者將謂之使過歟觀勛奏辯奸欺之詞上
眩天聽狂悖之氣不恤人言略無悔悟益滋驕橫必無
自脩之日矣法猶可貸乎將謂之負謗歟若不置之法司

勛則勛之心跡無以自白言者之指實反坐虛誕在勛
不知感恩 國憲從此一隳矣法可如是乎將謂其勲戚
歟國家之法功臣有犯不過曰議親曰議功而已未嘗少
廢焉可以勲戚而廢國法乎 陛下天地之量藏垢納污
將以曲全勲臣也尚念縱惡長奸害治不小况勛屢被彈
劾雖視旗三軍之上尸位於旗鼓之前使其少知廉耻必
恟恟不寧展布不得號令不行戎事從此不競矣正今日
所當亟懲而不可少貸者也伏望 陛下擴日月之明奮
乾剛之斷思 國家之法不可廢思豪強之臣不可縱
心望諫之言不可不信思營營之任不可不重將勛速為

慈治母事姑息仍選勲戚忠勇者代勲之任其被劾事情
早勅法司逐一研究使勲詭秘情私得以盡暴貪橫惡
跡不容少隱庶法行而公道昭明議息而人心震疊貴戚
從此不敢肆豪橫從此知所斂數年軍士快快之憤可以
少舒 國家昭昭之法得以少全矣

糾劾狂悖武臣以正紀綱

張景華

臣切惟人臣之罪莫重於不忠大臣之罪莫重於欺罔
朝廷設分職蓋欲其勤恪綜理以翼贊政治人臣自處亦
欲委身忘家以求無曠厥官廢厥職耳若立黨比報恩怨
且受人之順指氣使此不忠之大者危亂時事也曾謂
聖明之朝有此哉近該巡按山西御史馬錄劾奏武定侯
郭勛寫書屬託等情勛具本認罪自合責已反躬以圖改
悟顧乃飾非強辯略無恐懼修省之意反假借議大禮
等事欲聳動天聽且旁及臣等前日論奏或受人之佐
使是何言之謬妄哉邇者會武宴勛臨時又爭論坐次內

外臣工皆惡其驕亢臣監試亦得與宴席之末惓惓以循
禮尚謙舉正其失亦將必盡言官之責耳而勛謂臣受人
之佐使是何言哉山西五臺縣納粟指揮張寅被人訐告
用妖術惑衆等情拘繫在獄蓋地方一重事也必細加審
訪而後可勛輒敢與之寘書屬託御史馬錄據實論劾亦
盡其言官之責耳勛亦謂受人之佐使是何言哉臣材薄
劣叨蒙 陛下選授此官謂有耳目之寄若持祿養默遇
可言者顧忌推避而不言其為身謀則巧矣如 國家之
事何言官之職何勛且本名為認罪中間全無引咎負忤
之言反喋喋遠指議 大禮曾激衆怒而誣臣等受人之

佐使是蓋隱然用黨之一字欲以動 九重之聽以中臣
等之禍以釋私憾以立已威耳認罪之意安在哉古稱黨
之一字可以空人之國勛無乃欲蹈其酷轍耶其雄猜陰
狠亦甚矣仰賴 聖明洞燭其姦奉 旨有曰郭勛既從
實認罪罷 天語嚴重似自足以折其驕而奪其氣矣臣
不敢泛及姑以勛屬託一事言之指揮張寅係納粟官蓋
富者也遠在千里之外非其三族故舊而勛稱與之素識
若平時無大餽遺能動之耶勛係 近侍侯伯不避嫌疑
公然交納外郡無籍之徒而為之犯大不韙寫書求解若
此時無重賄以厭其心肯如是動作耶觀此一事貪鄙之

迹顯著矣若交不以富其或有他術可以動之各處姦巧
富財貨欲依憑聲勢遠來投託者或不獨張寅一人而已
張寅事情 陛下責付撫按官審問果無妖術惑衆重情
則已脫或有之不知勛之罪又巧將何說以解之也臣待
罪言官得報見勛所奏中有佐使之言駭懼無措不容不
辯傳云驕奢淫佚所自邪也四者之來寵祿過也 陛下
深念功臣之義隆權重祿而功臣或不能盡體 陛下之
心觀勛之心奏詞大肆欺罔可見矣事 上如此處官屬
軍士能得其心哉如蒙伏望 天語嚴加戒飭仍革去提
督之任別選老成有器識者代之或防微杜漸之義也

姦佞大臣巧辯誣罔跡

謝瑜

臣以菲才謬承遠役靈輿去京萬里而犬馬戀主之心未
嘗以替每見邸報進一賢退一不肖必舉手加額想見太
和盛治也頃見邸報禮部尚書嚴嵩一本懇乞天恩亟
賜罷斥以免人言事奉聖旨卿疏內云為人臣於今時
必使主孤立自勞率皆觀望禍福此言已盡矣不必復辭
避可盡心贊朕以副簡任吏部知道臣覽其奏詞不勝駭
汗不意尚奸無賴乃至此也夫嵩之黷貨無厭天下所共
知也拾遺論列朝廷之公議也聖明臨照葉短錄長
不加譴黜宜仰思天眷俯惜人言省躬自咎以蓋前愆

却乃肆巧佞之詞為誣激之計若是乎臣嘗見嵩先該御史桑喬劾其賊汙輒肆辯論續該給事中胡汝霖劾其飾詞強辯有傷大體奉 聖旨是今後大臣被劾着省已不許強辯 明命赫然宜朝夕有念况考察重典拾遺公論今嵩與刑部尚書周期雍各為詞辯實違 明旨且嵩之詞以贊議 明堂危 蹕南幸為諸臣所嫉何其誣罔之甚夫 明堂大議斷自 宸衷乘輿南巡由於達孝此普天率土所共聞所共仰者也當時 請留數臣見其細而昧其大曷敢以 陛下為慢遊而歸咎於禮官輔臣嵩何為此言乎又其所云必使 人主孤立於上尤為深巧夫

大小臣工智識才力各有分限其奔走效竭以受知於上
則人人所同寧有不出身任事欲 陛下孤立於上而蓋
假此以揚已功以激 聖怒以綦衆口云耳豈其自解之
本心哉臣向遠方不知科道論高者何事但素悉高之為
人其可論尚多豈其舍此而言彼乎往年繹字生之選濫
賦無數又令分賂權要聽囑有差貪以自處而以貪奉人
高能以此自解於公論乎各處 王府皆 陛下懿親為
陛下臣子者當以諸父事之每事必索重賂賂少者巧
為阻抑賂多者巧為彌縫昧理犯法莫此為最名曰清曹
實乃賊府主府科吏頂頭動以千計推此可知弊雖相沿

而蒿之為尚書也滋甚蒿能以此自解於公論乎齎詔
人員差有資序蒿則受金納餽有以土宜價值十餘兩者
餽其子奪該差者以與之又有價重者又奪彼既與者以
易之以致各官面詰不遜傳聞於萬里之外蒿能以此自
解於公論乎其甚者令家屬賤買沿途童女擇其惡者待
價而轉沽美者教為歌舞以自娛縱慾敗度豈宗伯大臣
之所為乎蒿皆不以此自反而邪佞誣罔所解非所効所
効非所解臣實不意其姦邪無賴乃至此也又其所云競
相詆訾以為迎合希寵夫迎合希寵鄙夫事君之常態幾
蒿不免特日月大明之下無所容其迎合已矣陛下

先時之主必得為其舉穢

契一德之臣方可以稱濟濟之

盛如尚百輩無補於

陛下之孤立也說者咸謂兵部

尚書張瓚貪而復弄本兵

而壞天下之兵禮部尚書嚴嵩

貪而狡狠掌禮而壞天下

之禮欺君誤國則一也宜其

莫逃

聖鑒而任用不吝必

陛下真知其智識足以習

事取其才而略其德高

輒以貪墨非

聖主所惡日益

汙濫而一時中臣亦復

廉靜非今日所宜競為貪婪剝

膚媚寵賂彌章昔宋

岳飛之言曰文臣不愛錢武臣

不惜死天下太平矣今

文臣愛錢自大臣始之而不愛

錢之文臣無所容武臣

但死自大臣道之而不惜死之武

臣無自見軍民倒懸朝暮而夕更急風俗下趨歲異而日月不同欲望太平也亦難矣如臣狂瞽宜不足聽昨者禮部尚書掌詹事府事霍韜寧災變屢見由貪酷有司大臣溝渠其身徇棄其心指韜輔導大臣言必有據今夫郡縣小官犯職或三臣狼藉鉅萬置不以聞聞之流聞蒿此奏莫不忿其竊歎 陛下責臣以言復隱默觀望罪有餘死矣伏望

陛下特降勅旨將蒿痛加切責使之改心易慮以答殊遇猶冀改德於今日若復為溫綸彼盜恣肆將不知其所止更望陛下特命殿衛五城緝事人員將在京賚送金幣賄賂權門者併外官差人潛伏京師守缺營陞者密切訪拿根究重治亦可以塞其流太平可臻至臣無任感激昧死上言幸賜俯察不勝戰慄恐懼之至

亟罷貪暴大臣以隆治化跡

鄭洛

臣竊謂朝廷設官分職必得廉潔慈惠之臣以充其位而後無疆之治可成臣子擔爵受祿必懷廉潔慈惠之心以業其官而後匪躬之忠可盡況大理寺卿職專審錄刑名刑部侍郎職司脩明邦禁使居是官者不得廉潔慈惠之臣而以貪暴之人參於其間則任情亂法必無敬忌在衷之實何以責其用法平恕推廣聖天子欽恤之至德哉臣竊見大理寺卿萬某本以鄙夫濫居甲第其貪汙情狀不能悉舉姑自其任文選郎中也不知奉公持正乃敢鬻爵賣官以陞授為貿易之資以吏曹為龍斷之地每一

開選也不論人品之高下納賄多者即授以美官每一推陞也不拘資望之淺深餽禮厚者即遷之要地布政而下巡檢而上陞遷送銀各有常例或選北部或選南部前後次序任其那移夫萬家貪鄙之狀率類此先年南京給事中傅鳴會等曾據實論列矣惜其糾劾未盡是以荷蒙聖慈容留辦事為萬家者正當痛改前愆以報 皇上浩蕩之恩可也顧乃既離文選猶縱前非假親識為誑騙縉紳之計借舊官為打點過送之媒與原任文選司郎中萬虞龍結成黨與拜為兄弟虞龍陽示清謹家則陰與通同虞龍猶欲彌縫家則肆無忌憚如上年聽選舉人劉俊謀

選高郵州知州用銀千兩託宋為之轉送均分名曰打點
今年五月內劉俊自高郵州用船一隻載五加皮酒百餘
罈銀五百餘兩亦宋為之轉致均分名曰謝敬此何為者
耶故民謠有文選大萬萬小萬萬之稱其納賄之實即此
蓋可見矣京衛經歷李廷孚宋在考功時舊吏也過送素
熟今尚託其通同關節省祭官陸鰲宋在文選時火房也
心腹日久今尚潛住宋家管事又何為者耶故民謠有萬
宋內有陸外有李之稱其貪鄙之跡即此又可見矣夫宋
之貪鄙不悛如此以故吏部郎中周良賓之壞選法張九
一何海宴之被論劾皆宋有以倡之而宋之惡視三臣尤

甚然三臣已蒙 聖斷糾罰矣竊猶肆然於堂卿之位焉
况大理寺卿職專審錄天下刑名為責甚重以是人而居
是職安能明慎平刑而使天下無冤民乎刑部右侍郎鄢
懋卿本以小人濫叨名器其殘暴之狀不能悉舉姑自其
奉 命督理鹽法也不知潔已奉公乃敢肆行貪暴張官
焰以陵辱有司假威權而剝削竈戶每一駐劄則有司之
衆謁者繹絡連千里之遠糜費何啻萬金每一下程則堂
階之羅列者狼籍備百物之多暴殄真為無算以憲臣巡
歷而內眷同行何關節不可通以總都出巡而家僮滿載
何賄賂不可入以故兩淮之常例肆萬餘金則商人黃燠

等科派經紀周仁等管收知事龔楚瑞等押送俱有踪跡
可指犯人王鏃吳章之送銀三千餘兩則千戶杜詩阻執
主簿吳道東引進門子徐熙遞送各有指實可據場官送
冊稽遲無大罪也責三十而即殞厨役擺酒不整非大過
也責數十而立斃夫懋卿暴戾之實率如此上年南京御
史林潤曾指實論列矣惜其糾劾未盡是以荷蒙 聖慈
不加罪譴為懋卿者正當痛改前愆以報 皇上浩蕩之
恩可也顧乃自知物議難居憲職巧於鑽刺即轉亞卿及
臨政而法律不明專事深文鍛鍊看堂稿而情文未諳惟
知胡亂駁行聞其司屬呈稿皆苦其苛刻不情是以各懷

疑畏事務之耽延亦衆則懋卿之暴戾即此又可見矣夫
懋卿之暴戾不悛如此矧揚州畿輔重地被懋卿之苛
徵殘虐者富家日以貧貧家日以窟其為百姓之流毒元
氣之殘壞亦甚矣今尚肆然於亞卿之位焉况刑部侍郎
職司修明邦禁為責甚重以是人而居是職安能忍於折
獄而使民自以無冤乎臣一介草茅叨登甲第非不知言
忤於人怨叢於已但此二臣者宋則極貪而行之以狹懋
卿則極暴而濟之以貪均之清朝之塵穢縉紳之根莖
也臣縱不言人將言之况臣待罪言官既有見聞豈容緘
默此臣所以竭衷冒昧據實披瀝於君父之前也恭摺

大理寺卿萬家刑部右侍郎鄢懋卿一則貪婪存心一則
狠毒成性賣官鬻爵士風之敗壞萬家居多肆惡殃民元
氣之殘傷懋卿為最天理之良心既皆喪矣矜恤之至意
又何望焉考其素履之實俱為假虎之狐論其見任之官
均似乘軒之鶴此二臣者所當亟為罷斥者也再照原任
文選司郎中今陞太常寺少卿萬虞龍既司選法不守官
箴雖陽為清謹而賄已潛通雖自欲彌縫而人亦敢露論
其貪雖非萬家之極甚核其事豈為文選之當然此一臣
者亦當併論以示斥罰者也如蒙乞 勅吏部都察院細
加查訪如果正言謬妄指正為邪即將臣治重罪以為言

官傷害正人之戒如果臣言有據或協輿情再乞聖斷
將案與懋卿亟為罷斥虞龍重加黜罰別選廉潔慈惠之
臣以充部寺之任庶黷貨殃民者知所懲戒百僚有師師
之風奉公守法者有所觀感至治底無疆之盛矣臣下情
無任激切戰慄惶悚待罪之至